

水經注釋卷二十三

仁和趙一清誠夫錄

陰溝水

汜水

獲水

陰溝水出河南陽武縣菴蕩渠

陰溝首受大河於卷縣故瀆東南逕卷縣故城南又東逕蒙城北史記秦莊襄王元年蒙騫擊取成臯滎陽初置三川郡疑卽騫所築也于事未詳故瀆東分爲二世謂之陰溝水京相璠以爲出河之濟又非所究俱東絕濟隧右瀆東南逕陽武城北又東南絕長城逕安亭北又東北會左瀆左瀆又東絕長城逕垣雍城南昔晉文

水經注釋

卷二十三

陰溝水

東潛趙氏定本

公戰勝于楚周襄王勞之于此故春秋書甲午至于衡雍作王宮于踐土呂氏春秋曰尊天子于衡雍者也郡國志曰卷縣有垣離城卽史記所謂韓獻秦垣離是也又東逕開光亭南又東逕清陽亭南又東合右瀆又東南逕封邱縣絕濟瀆東南至大梁合菴蕩渠梁溝旣開菴蕩渠故瀆實兼陰溝浚儀之稱故云出陽武逕大梁城北左屈與梁溝合俱東南流同受鴻溝沙水之目其川流之會左瀆東導者卽汜水也蓋津源之變名矣故經云陰溝出菴蕩渠者也

東南至沛爲泗水

陰溝始亂漭蕩終別於沙而澗水出焉澗水受沙水於扶溝縣爾雅曰澗爲洵郭景純曰大水溢出別爲小水也呂忱曰洵澗水也澗水逕大扶城西城之東北悉諸袁舊墓碑宇傾低羊虎碎折唯司徒滂蜀郡太守騰博平令光碑字所存唯此自餘殆不可尋澗水又東南逕陽夏縣西又東逕邈城北城實中而西有瓌郭澗水又東逕大棘城南故鄢之大棘鄉也春秋宣公二年宋華元與鄭公子歸生戰于大棘獲華元左傳曰華元殺羊食士其御羊斟不與及戰曰疇昔之羊子爲政今日之事我爲政遂御入鄭故見獲焉後其地爲楚所并故圈

水經注釋

卷二十三
陰溝水

二
東潛趙氏定本

稱曰大棘楚地有楚太子建之墳及伍員釣臺池沼具存澗水又東逕安平縣故城北陳畱風俗傳曰大棘鄉故安平縣也士人敦養易以統御澗水又東逕鹿邑城北世謂之虎鄉城非也春秋之鳴鹿矣杜預曰陳國武平西南有鹿邑亭是也城南十里有晉中散大夫胡均碑元康八年立澗水之北有漢溫令許續碑續字嗣公陳國人也舉賢良拜議郎遷溫令延熹中立澗水又東逕武平縣故城北城之西南七里許有漢尚書令虞詡碑碑題云虞君之碑諱詡字定安虞仲之後爲朝歌令武都太守文字多缺不復可尋按范氏漢書詡字升卿

陳國武平人祖爲縣獄吏治存寬恕嘗曰于公爲里門子爲丞相吾雖不及于公子孫未必不爲九卿故字詡曰升卿定安蓋其幼字也魏武王初封於此終以武平華夏矣澗水又東逕廣鄉城北圜稱曰襄邑有蛇邱亭故廣鄉矣改曰廣世後漢順帝陽嘉四年封侍中摯填爲侯國卽廣鄉也澗水又東逕苦縣西南分爲二水枝流注於東北賴城入谷爲死澗也澗水又東南屈逕苦縣故城南郡國志曰春秋之相也王莽更名之曰賴陵矣城之四門列築馳道東起賴鄉南自南門越水直指故臺西面南門列道徑趣廣鄉道西門馳道西屈武平

水經注釋

卷二十三
陰溝水

三 東潛趙氏定本

北門馳道暨于北臺澗水又東北屈至賴鄉西谷水注之谷水首受渙水於襄邑縣東東逕承匡城東春秋經書夏叔彭生會晉卻缺于承匡左傳曰謀諸侯之從楚也全氏祖望曰傳文是謀諸侯之從楚者今鈔變作也字則其義乖矣京相璠曰今陳畱

襄邑西三十里有故承匡城谷水又東南逕己吾縣故城西陳畱風俗傳曰縣故宋地雜以陳楚之地故梁國寧陵縣之徙種龍鄉也以成哀之世戶至八九千冠帶之徒求置縣矣永元十一年陳王削地以大棘鄉直陽鄉十二年自隲隸之命以嘉名曰己吾猶有陳楚之俗焉谷水又東逕柘縣故城東地理志淮陽之屬縣也城

內有柘令許君清德頌石碎字紊唯此文見碑城西南里許有漢陽臺令許叔種碑光和中立又有漢故樂成陵令太尉掾許嬰碑嬰字虞卿司隸校尉之子建寧元年立餘碑文字碎滅不復可觀當似司隸諸碑也谷水又東逕苦縣故城中水泛則四周隍塹耗則孤津獨逝谷水又東逕賴鄉城南其城實中東北隅有臺偏高俗以是臺在谷水北其城又謂之谷陽臺非也谷水自此東入澗水澗水又北逕老子廟東廟前有二碑在南門

外漢桓帝遣宦官管霸祠老子命陳相邊韶撰碑隸釋云老子

子銘篆額在亳州苦縣苦屬陳國故其文陳相邊韶所作碑云延熹八年八月帝夢老子尊而祀之帝紀此年

水經注釋

卷二十三 陰溝水

四 東潛趙氏定本

春冬兩遣中常侍至苦祠老子水經載蒙城王子喬碑亦云延熹八年八月帝遣使致祠國相王璋乃銘紀遺烈蓋威宗方修神仙之事故一時郡國竝作碑表此石立于延熹無疑杜子美云苦縣光和尚骨立誤也一清按注無立碑年月碑云延熹八年八月甲子日是也北有雙石闕甚整頓石闕南

側魏文帝黃初三年逕譙所勒闕北東側有孔子廟廟

前有一碑西面是陳相魯國孔疇建和三年立北則老

君廟廟東院中有九井焉又北澗水之側又有李母廟

廟在老子廟北廟前有李母冢冢東有碑是永興元年

譙令長沙王阜所立碑云老子生于曲澗一清按晉書地道記

云曲仁里老子里也許慎又云澗水首受淮陽扶溝縣菑蕩渠不

得至沛方為澗水也全氏曰此二十五字疑是注首扶溝縣下之錯簡今次于此是不比

也。澗水又屈東逕相縣故城南，其城卑小，實中邊。韶老子碑又云：老子楚相縣人也。相縣虛荒，今屬苦故城，猶存在。賴游鄉之東澗水處，其陽疑卽此城也。自是無郭，以應之。澗水又東逕譙縣故城北。春秋左傳：僖公二十三年，楚成得臣帥師伐陳，遂取譙城，頓而還是也。王莽之延成亭也。魏立譙郡，沅州治沙水，自南枝分北逕譙城西而北注澗。澗水四周城側，城南有曹嵩冢，冢北有碑。碑北有廟堂，餘基尚存。柱礎仍在。廟北有二石闕，雙峙，高一丈六尺，榱櫨及柱皆雕鏤雲炬，上學愚已碎闕。北有圭碑，題云：漢故中常侍長樂太僕特進費亭侯曹

水經注釋

卷二十三
陰溝水

五 東潛趙氏定本

君之碑。延禧三年立碑，陰又刊詔策。二碑文同。夾碑東西列對，兩石馬高八尺五寸，石作粗拙，不匹光武。隧道所表象馬也。有騰兄冢，冢東有碑，題云：漢故潁川太守

曹君墓。延熹九年卒，而不刊樹碑歲月。

一清按魏志曹仁傳裴松之註

引魏書曰：仁祖褒，潁川太守，斯其人也。

墳北有其元子熾冢，冢東有碑，題

云：漢故長水校尉曹君之碑。歷太中大夫司馬長史侍中。遷長水年三十九卒。熹平六年造熾弟允冢，冢東有碑，題云：漢謁者曹君之碑。熹平六年立。城東有曹太祖舊宅所在，負郭對廛側，隍臨水。魏書曰：太祖作議郎，告疾歸鄉里，築室城外，春夏習讀書，傳秋冬射獵以自娛。

樂文帝以漢中平四年生于此上有青雲如車蓋終日
乃解卽是處也後文帝以延康元年幸譙大饗父老立
壇于故宅壇前樹碑碑題云大饗之碑碑之東北澗水
南有譙定王司馬士會冢冢前有碑晉永嘉三年立碑
南二百許步有兩石柱高丈餘半下爲東竹交文作制
工巧石牘云晉故使持節散騎常侍都督揚州江州諸
軍事安東大將軍譙定王河內溫司馬公墓之神道澗
水又東逕朱龜墓北東南流冢南枕道有碑碑題云漢
故幽州刺史朱君之碑龜字伯靈光和六年卒官故吏
別駕從事史右北平無終年化中平二年造碑陰刊故

水經注釋

卷二十三
陰溝水

六 東潛趙氏定本

吏姓名悉薊涿及上谷北平等入

一清按隸釋云漢幽州刺史朱君之碑有

陰在亳州朱君名龜石有碎落不能詳其官闕其可考者嘗以御史中丞督捕益州蠻又爲幽州刺史禦鮮卑爾靈帝光和六年卒後漢西南夷傳蜀郡都夷反執太守雍陟遣御史中丞朱龜討之不能尅李顯發板楯蠻平之碑所載與傳合澗水東南逕層邱北邱阜獨秀巍然介立故

壁壘所在也澗水又東南逕城父縣故城北沙水枝分注之水上承沙水於思善縣世謂之漳水故有漳頭之名也東北流逕城父縣故城西側城東北流入於澗澗水又東逕下城父北郡國志曰山桑縣有下城父聚者也澗水又屈逕其聚東郎山西又東南屈逕郎山南山東有垂惠聚世謂之禮城袁山松郡國志曰山桑縣有

垂惠聚卽此城也過水又東南逕過陽城北臨側過水

魏太和中為州治
一清按寰宇記云後魏孝文帝置渦

改為譙州改譙縣為渦
陽縣州治上疑落渦字
以蓋表為刺史後罷州立郡衿

帶場戍過水又東南逕龍亢縣故城南漢建武十三年

世祖封傅昌為侯國
沈氏曰按本傳昌由昆陽徙蕪湖不聞為龍亢也
故語曰

沛國龍亢至山桑者也
厄林曰闕駟十三州志曰山桑縣人俗貪偽好持馬鞭行邑故

語曰沛國龍亢至山桑詐託旅使若奔喪道
遇寇抄遂失資糧酈氏取其一語殊為不備
過水又屈

而南流出石梁梁石崩褫夾岸積石高二丈水歷其間

又東南流逕荆山而東流注也

又東南至下邳淮陵縣入於淮

水經注釋

卷二十三 陰溝水

七 東潛趙氏定本

過水又東左合北肥水肥水出山桑縣西北澤藪東南

流左右翼佩數源異出同歸蓋微脈涓注耳東南流逕

山桑邑南俗謂之北平城昔文欽之封山桑侯疑食邑

于此城東南有一碑碑文悉破無驗唯碑背故吏姓名

尚存熹平元年義士門生沛國蕭縣劉定興立北肥水

又東逕山桑縣故城南俗謂之都亭城非也今城內東

側猶有山亭築立陵阜高峻非洪臺所擬十三州志所

謂山生于邑其庭有桑因以氏縣者也郭城東有文穆

冢碑三世二千石穆郡戶曹史徵試博士太常丞以明

氣候擢拜侍中右中郎將遷九江彭城陳畱四郡
一清按所

歷止三郡四字疑誤
抑或脫失一郡也
光和中卒故吏涿郡太守彭城呂

虔等立北肥水又東積而為陂謂之瑕陂陂水又東南

逕瑕城南春秋左傳成公十六年楚師還及瑕即此城

也故京相璠曰瑕楚地北肥水又東南逕向縣故城南

地理志曰故向國也世本曰許州向申姜姓也炎帝後

京相璠曰向沛國縣今并屬譙國龍亢也杜預曰龍亢

縣東有向城漢世祖建武十三年更封富波侯王霸為

侯國即此城也俗謂之圓城非又東南逕義城南世謂

之楮城非一清按水經渠水篇云又東南過義成縣西

荆山左合北肥水又東注于淮今鳳陽府懷遠縣東北

十五里有渦口城又東北四十五里有向城即過水入

水經注釋

卷二十三

陰溝水 汭水

入東潛趙氏定本

淮之處與漢志合故道元以經言下邳淮陵入淮為非

此義城即沛郡之義成縣胡渭云義成故城今名拖城

顧祖禹云渦口城今訛為菴城過菴音韻又東入於過

過水又東注淮經言下邳淮陵入淮誤矣

汭水出陰溝于浚儀縣北

陰溝即蕩蕩渠也亦言汭受旃然水又云丹沁亂流於

武德絕河南入滎陽合汭故汭兼丹水之稱河沛水斷

汭承旃然而東自王賁灌大梁水出縣南而不逕其北

一清按漢志河南郡滎陽即陰溝也於大梁北又曰浚水矣故圈稱著陳畱風俗

縣卞水馮池皆在西南傳曰浚水逕其北者也又東汭水出焉故經云汭出陰

溝於浚儀縣北也

一清按禹貢雖指曰浮于淮泗達于

世謂隋煬帝始通汴入泗禹時無此水道以疑禹貢之言按漢書項羽與漢約中分天下割鴻溝以西為漢以東為楚文穎注云于滎陽下引河東南為鴻溝以通宋鄭陳蔡曹衛與濟汝淮泗會即今官渡是也魏武與袁紹相持于官渡耶禹貢九州之水皆記入河水道而淮泗安知非禹迹耶禹貢九州之水皆記入河水道而淮泗獨不能入河帝都所在理不應爾意其必開此道以通之其後或為鴻溝或為官渡或為汴上下百餘里間不可必然皆引河水而注之淮泗也故王濬伐吳杜預與之書曰足下徑取秣陵自江入淮逾于泗汴沂河而上振旅還都濬舟師之盛古今絕倫而自泗汴沂河可以班師則汴水之大小當不減于今又足以見秦漢魏晉皆有此水道非煬帝創開也吳王夫差闕溝通水與晉會于黃池而江始有入淮之道禹時則無之故禹貢曰沿于江海達于淮泗達于河不自海入淮則鴻溝官渡汴水今直云浮于淮泗達于河不言自海則鴻溝官渡汴水之類自禹以來有之明矣按蘇氏因說者有謂河當作荷而以爲不必然故發此論閣百詩曰禹貢濟入于河

水經注釋

卷二十三

九東潛趙氏定本

汴水

南溢而為滎而陶邱而汶而海此禹時之濟瀆發源注海也史記河渠書禹功施乎三代自是之後滎陽下引河東南為鴻溝以通宋鄭陳蔡曹衛與濟汝淮泗會此禹後代人于滎澤之北引河東南流故水經謂河水東過滎陽縣蕩蕩渠出焉者是亦引濟水分流故漢志謂滎陽有蕩蕩渠首受沛東南流者是又自是之後代有疏濬枝津別瀆不可勝數則酈注所謂滎波河濟往復逕通者也雖然其來古矣蘇秦說魏襄王曰大王之地南有鴻溝則戰國前有之晉楚之戰楚軍于邲邲即汴水則春秋前有之爾雅水自河出為澗澗本汴水則爾雅前有之然莫不善于酈道元之言曰昔禹塞其淫水而澤滎澤莽時方枯豈禹塞之乎又曰昔禹塞其淫水而于滎陽下引河滎陽非禹引而謂禹之時已有乎余是以斷自河渠書參以滎陽下引河不見禹貢之書為出禹之後頗自幸其考訂比蘇氏差詳矣按河渠書有自是之後四字百詩據此判鴻溝非禹迹真老吏斷獄手而愚更有進者謂由泗入荷由荷入濟是矣而自陶邱以西舍鴻溝無達河之道也焉得不指為禹迹乎謂滎陽下引河出禹以後是矣而由濟達河莫知其所經不顯示以一塗終何以破千古之疑乎是當于濟潔之間

水經注釋

卷二十三

汧水

十

東潛趙氏定本

大梁續志亦云浚儀本大之倉垣亭也城臨汧水陳畱梁是未嘗以大梁名縣也

相畢邈治此征東將軍苟晞之西也邈走歸京晞使司

馬東萊王讚代據倉垣斷畱運漕汧水又東逕陳畱縣

之鉞鄉亭北陳畱風俗傳所謂縣有鉞鄉亭即斯亭也

汧水又逕小黃縣故城南神仙傳稱靈壽先扶風人死

于江陵胡罔家罔殯埋之後百餘日人有見光于此縣

寄書于罔罔發視之唯有履存汧水又東逕鳴雁亭南

春秋左傳成公十六年衛侯伐鄭至于鳴雁者也杜預

釋地云在雍邱縣西北今俗人尚謂之為白雁亭汧水又

東逕雍邱縣故城北逕陽樂城南西征記曰城在汧北

求之蓋充青徐揚之貢道皆由濟入漯以達河而宋儒謂濟漯二水無相通之處則浮濟者沂陶邱而西且北勢不得不出于滎陽此蘇氏之論所以近理而人不敢深折其非也誠知經所謂浮于濟者乃至荷會汶之濟而非陶邱滎澤之濟則濟之所以通河者漯也非鴻溝官渡汧水也而紛紜之說不攻自破矣又曰黃文叔云蕘蕘出河斷非禹迹禹之行河本以河湍悍難行平地故釀二渠以引河而載之高地二渠非得已也後世不識聖人之意妄鑿河為瀆或不順地防或附屬不理故其勢易決蓋非獨蕘蕘也其下濮水通河而酸棗決瓠水通河而瓠子決汧渠亦屢決至王景治汧鑿山開澗十里置水門使更相回注紊亂渠脈而禹迹益壞矣且所為通淮泗者以舟楫之利也荷已通矣而何更用通蕘蕘哉其曰禹塞淫水而鑿之者春秋戰國之世商權功利而忽遠圖並植私欲而不顧大經策謀之士託其名于禹而世不之察也河渠書滎陽下引河東南為鴻溝以通宋鄭陳蔡曹衛與濟汝淮泗會其在春秋戰國之際明矣偉哉此論善發禹貢之蘊并可以證徐州達于河之誤

一里周五里雍邱縣界汜水又東有故渠出焉南通睢水謂之董生決或言董氏作亂引水南通睢水故斯水受名焉今無水汜水又東枝津出焉俗名之爲洛架口西征記曰洛架水名也續述征記曰在董生決下二里汜水又逕外黃縣南又東逕莠倉城北續述征記曰莠倉城去大游墓二十里又東逕大齊城南陳畱風俗傳曰外黃縣有大齊亭又東逕科城北陳畱風俗傳曰縣有科稟亭是則科稟亭也汜水又東逕小齊城南汜水

又南逕利望亭南風俗傳曰故曰成安也地理志曰陳

畱舊名一清按舊名當作縣名漢武帝以封韓延年爲侯國全氏曰按

水經注釋

卷二十三 汜水

十一 東潛趙氏定本

小司馬曰表在郊志在陳畱蓋疑未能決也予謂延年郊人則潁川之郊是也以爲陳畱非也善長亦據本志言之耳一清按地理志潁川郡本有成安縣分註云侯國也而小司馬以陳畱之成安當之道元則又兩釋之而不知汜水又東龍門故瀆出焉瀆舊通睢水故西征

記曰龍門水名也門北有土臺高三丈餘上方數十步

汜水又東逕濟陽考城縣故城南爲菑獲渠考城縣周

之采邑也于春秋爲戴國矣左傳隱公十年秋宋衛蔡

伐戴是也漢高帝十一年秋封彭祖爲侯國一清按索隱曰漢表

彭祖姓祕音響韋昭音符篋反非也今檢史記諸本並作祕今見有姓祕氏陳畱風俗傳曰

秦之穀縣也後遭漢兵起邑多災年故改曰菑縣王莽

更名嘉穀一清按道元此說非也漢書傳寬傳畧梁別西擊邢說軍菑南破之師古曰菑縣名也後

為考城則秦時已名菑縣非自漢始
蓋因王莽更為嘉穀而造作是說
章帝東巡過縣詔

曰陳畱菑縣其名不善高祖鄙柏人之邑世宗休聞喜
而顯獲嘉應亨吉之符嘉皇靈之顧賜越有光烈考武
皇其改菑縣曰考城是瀆蓋因縣以獲名矣汧水又東
逕寧陵縣之沙陽亭北故沙隨國矣春秋左傳成公十
六年秋會于沙隨謀伐鄭也杜預釋地曰在梁國寧陵
縣北沙陽亭是也世以為堂城非也汧水又東逕黃蒿
塢北續述征記曰堂城至黃蒿二十里汧水又東逕斜
城下續述征記曰黃蒿到斜城五里陳畱風俗傳曰考
城縣有斜亭汧水又東逕周塢側續述征記曰斜城東

水經注釋

卷二十三
汧水

十三 東潛趙氏定本

三里晉義熙中劉公遣周超之自彭城緣汧故溝斬樹
穿道七百餘里以開水路停薄于此故茲塢流稱矣汧
水又東逕葛城北故葛伯之國也孟子曰葛伯不祀湯
問曰何為不祀稱無以供祠祭遺葛伯葛伯又不祀湯
又問之曰無以供犧牲湯又遺之又不祀湯又問之曰
無以供粢盛湯使亳衆往為之耕老弱饋食葛伯又率
民奪之不授者則殺之湯乃伐葛葛于六國屬魏魏襄
王以封公子無忌號信陵君
朱氏謀瑋箋云史記云魏
公子無忌者魏昭王少子
而魏安釐王異母弟也昭王薨安釐王
即位封公子為信陵君此云襄王誤也其地葛鄉即是
城也在寧陵縣西十里汧水又東逕神坑塢又東逕夏

侯長塢

一清按三國志魏武帝紀袁術退保封邱遂圍之未合術走襄邑追到太壽決渠水灌城走寧陵又追之走九江太壽地無考大約在寧陵襄邑之間又夏侯惇傳領陳畱濟陰太守惇乃斷太壽水作陂身自負土率將士勸種稻民賴其利此夏侯長塢蓋以惇得名續述征記曰夏侯塢至

周塢各相距五里汲水又東逕梁國睢陽縣故城北而

東歷襄鄉塢南續述征記曰西去夏侯塢二十里東一

里卽襄鄉浮圖也汲水逕其南漢熹平中某君所立死

因葬之其弟刻石樹碑以旌厥德隧前有師子天鹿累

塼作百達柱八所荒蕪頽毀凋落略盡矣

又東至梁郡

一清按漢志秦碭郡高帝五年爲梁國續志同作經者乃改云梁郡此與陳縣漢相王君

造四縣碑以淮陽國爲淮陽郡蒙縣爲睢水餘波南入睢

水經注釋

卷二十三

十三 東潛趙氏定本

陽城中

汲水又東逕貫城南俗謂之薄城非也闕駟十三州志

以爲貫城也在蒙縣西北春秋僖公二年齊侯宋公江

黃盟于貫杜預以爲貫也云貫貫字相似貫在齊謂貫

澤也是以非此也今于此地更無他城在蒙西北唯是

邑耳考文準地貫邑明矣非毫可知一清按毫與汲水

又東逕蒙縣故城北俗謂之小蒙城也西征記城在汲

水南十五六里卽莊周之本邑也爲蒙之漆園吏郭景

純所謂漆園有傲吏者也悼惠施之沒杜門于此邑矣

汲水自縣南出今無復有水唯睢陽城南側有小水南

流入於睢城南二里有漢太傅掾橋載墓碑載字元賓
梁國睢陽人也睢陽公子熹平五年立城東百步有石
室刊云漢鴻臚橋仁祠城北五里有石虎石柱而無碑
誌不知何時建也汜水又東逕大蒙城北自古不聞有
二蒙疑卽蒙亳也所謂景亳爲北亳矣椒舉云商湯有
景亳之命者也闕駟曰湯都也亳本帝嚳之墟在禹貢
豫州河洛之間今河南偃師城西二十里尸鄉亭是也
皇甫謐以爲考之事實學者失之如孟子之言湯居亳
與葛爲隣是卽亳與葛比也湯地七十里葛又伯耳封
域有限而寧陵去偃師八百里不得童子饋餉而爲之

水經注釋

卷二十三
汜水

十四 東潛趙氏定本

耕今梁國自有二亳南亳在穀熟北亳在蒙非偃師也
古文仲虺之誥曰葛伯仇餉征自葛始卽孟子之言是
也崔駟曰湯豕在濟陰薄縣北皇覽曰薄城北郭東三
里平地有湯冢冢四方各十步高七尺上平也漢哀
帝建平元年大司空史郤長卿按行水災因行湯冢在
漢屬扶風今徵之迴渠亭有湯池徵陌是也全氏曰按漢志徵屬
左馮翊不屬右扶風然不經見難得而詳按秦寧公本紀云二年
伐湯三年與亳戰亳王奔戎遂滅湯然則周桓王時自
有亳王號湯爲秦所滅乃西戎之國葬于徵者也非殷
湯矣劉向言殷湯無葬處爲疑杜預曰梁國蒙縣北有

薄伐城城中有成湯冢其西有箕子冢今城內有故冢
方墳疑卽杜元凱之所謂湯冢者也而世謂之王子喬
冢冢側有碑題云仙人王子喬碑曰王子喬者蓋上世
之真人聞其仙不知興何代也博問道家或言潁川或
言產蒙初建此城則有斯邱傳承先民曰王氏墓暨于
永和之元年冬十二月當臘之時夜上有哭聲其音甚
哀附居者王伯怪之明則登而察焉時天鴻雪下無人
徑有大鳥跡在祭祀處左右咸以爲神其後有人著大
冠絳單衣杖竹立冢前呼採薪孺子伊永昌曰我王子
喬也勿得取吾墳上樹也忽然不見時令太山萬熹楷
在經見不能不書存焉

水經注釋

卷二十三
汲水 獲水

十五 東潛趙氏定本

故老之言感精瑞之應乃造靈廟以休厥神于是好道
之儔自遠方集或絃琴以歌太一或譚思以歷丹田知
至德之宅兆實真人之祖先延熹八年秋八月皇帝遣
使者奉犧牲致禮祠濯全氏曰隸釋改作祗懼非是之敬肅如也國

相東萊王璋字伯儀以爲神聖所興必有銘表乃與長
史邊乾遂樹之元石紀頌遺烈觀其碑文意似非遠既

獲水出汲水於梁郡蒙縣北

漢書地理志曰獲水也十三州志曰首受菑獲渠

一清按漢

志梁國蒙縣獲水首受菑獲渠汲水注云汲水又東逕濟陽考城縣故城南爲菑獲渠道元是注蓋割裂班志

又雜引闕說以成文始好博之過也亦兼丹水之稱也竹書紀年曰宋殺

其大夫皇瑗于丹水之上又曰宋大水丹水壅不流蓋

汧水之變名也獲水自蒙東出水南有漢故繹幕令匡

碑匡字公輔魯府君之少子也碑字碎落不可尋識竟

不知所立歲月也獲水又東逕長樂固北已氏縣南東

南流逕於蒙澤十三州志曰蒙澤在縣東春秋莊公十

二年宋萬與公爭博殺閔公于斯澤矣獲水又東逕虞

縣故城北古虞國也昔夏少康逃奔有虞為之庖正虞

思于是妻之以二姚者也王莽之陳定亭也城東有漢

司徒盛允墓碑允字伯世梁國虞人也其先奭氏至漢

水經注釋

卷

三

十六

東潛趙氏定本

中葉避孝元皇帝諱改姓曰盛世濟其美以迄于公察

孝廉除郎累遷司空司徒延熹中立墓中有石廟廟宇

傾頽基構可尋獲水又東南逕空桐澤北澤在虞城東

南春秋哀公二十六年冬宋景公遊于空澤辛巳卒于

連中大尹左師興空澤之士千甲奉公自空桐入如沃

宮者矣獲水又逕龍譙國

一清按龍譙國未詳寰宇記亳州下云後漢熹平五年黃

龍見譙太史令單颺以為其國當有王者興不及五十年亦當復見後如其言及文帝即位黃初元年以先人舊都立為譙國與長安許昌鄴洛陽號為五都事見後漢書方術傳及三國志魏文帝紀熹平之朝譙尚為縣屬沛國占候者即云其國若豫知當塗受命改制之事史氏多誣此其驗矣又東合黃水口

水上承黃陂下注獲水獲水又東入櫟林世謂之九里

柞獲水又東南逕下邑縣故城北楚考烈王滅魯頃公

亡遷下邑又楚漢彭城之戰呂后弟周

全氏曰按項羽本紀云呂后兄

高帝紀亦云呂后兄非弟也且是周呂侯名澤周呂其封國非名周也

軍于下邑高祖敗

還從周軍子房肇捐地之策收垓下之師陸機所謂卽謀下邑者也王莽更名下洽矣獲水又東逕碭縣故城北應劭曰縣有碭山山在東出文石秦立碭郡蓋取山之名也王莽之節碭縣也山有梁孝王墓其冢斬山作郭穿石爲藏行一里到藏中有數尺水水有大鯉魚黎萌謂藏有神不敢犯之凡到藏皆潔齋而進不齋者至藏輒有獸噬其足獸難得見見者云似狗所未詳也山

水經注釋

卷

十三

七

東潛趙氏定本

上有梁孝王祠獲水又東穀水注之水上承碭陂陂中有香城城在四水之中承諸陂散流謂零水滾水清水也積而成潭謂之碭水趙人有琴高者以善鼓琴爲康王舍人行彭涓之術浮游碭郡間二百餘年後入碭水中取龍子與弟子期曰皆潔齋待于水傍設屋祠果乘赤鯉魚出入坐祠中碭中有千萬人觀之畱月餘復入水也陂水東注謂之穀水東逕安山北卽碭北山也山有陳勝墓觀秦亂首兵伐秦弗終厥謀死葬于碭諡曰隱王也穀水又東北注于獲水獲水又東歷藍田鄉郭又東逕梁國杼秋縣故城南王莽之予秋也獲水又東

歷一清按下有脫文洪溝水注之水南北各一溝溝首對獲世

謂之洪溝非也春秋昭公八年秋蒐于紅杜預曰沛國

蕭縣西有紅亭即地理志之朮縣一清按此說亦見晉書地道記而顧景范

非之郡國志泰山郡奉高邑劉昭補註曰左傳昭八年大蒐于紅紅亭在縣西北漢志沛郡朮縣莽曰貢師古

曰朮亦音貢高后三年封楚元王子富為侯國朱氏謀音義並異

王子侯表景帝三年更封富為紅侯作高后誤一清按索隱曰楚元王傳休侯富免後封紅侯紅休蓋二鄉名

王莽封劉歆為紅休侯一云紅即朮縣王莽之所謂貢矣蓋溝名音同非

楚漢所分也全氏曰鴻溝史記年表作洪渠漢書音義作洪溝晉志浚儀縣下亦作洪溝則鴻洪

字本通故有指此洪溝為鴻溝者善長特起而糾正之

又東過蕭縣南睢水北流注之

水經注釋

蕭縣南對山世謂之蕭城南山也戴延之謂之同孝山

云取漢陽城侯劉德所居里名目山也劉澄之云縣南

有冒山未詳孰是也山有箕谷谷水北流注獲世謂之

西流水言水上承梧桐陂陂水西流因以為名也余嘗

逕蕭邑城右唯是水北注獲更無別水疑即經所謂睢

水也城東西及南三面臨側獲水故沛郡治縣亦同居

矣城南舊有石橋耗處積石為梁高二丈今荒毀殆盡

亦不具誰所造也縣本蕭叔國宋附庸楚滅之春秋宣

公十二年楚伐蕭蕭潰申公巫臣曰師人多寒王巡三

軍拊而勉之三軍之士皆同挾纊蓋恩使之然矣蕭女

媯齊爲頃公之母郤克所謂蕭同叔子也獲水又東歷龍城不知誰所創築也獲水又東逕同孝山北山陰有楚元王冢上圓下方累石爲之高十餘丈廣百許步經十餘墳悉結石也獲水又東淨淨溝水注之水上結梧桐陂西北流卽劉中書澄之所謂白溝水也又北入於獲俗名之曰淨淨溝也

又東至彭城縣北東入於泗

獲水自淨淨溝東逕阿育王寺北或言楚王英所造非所詳也蓋遵育王之遺法因以名焉與安陂水合水上承安陂餘波北逕阿育王寺側水上有梁謂之元注橋

水經注釋

十三

十九 東晉趙氏定本

水傍有石其宿經開發石作工奇殊爲壯構而不知誰冢疑卽澄之所謂凌冢也水北流注於獲獲水又東逕彌黎城北劉澄之永初記所謂城之西南有彌黎城者也獲水於彭城西南廻而北流逕彭城城西北舊有楚大夫龔勝宅卽楚老父哭勝處也獲水又東轉逕城北而東注泗水北三里有石冢被開傳言楚元王之孫劉向冢未詳是否城卽殷大夫老彭之國也于春秋爲宋地楚伐宋并之以封魚石崔子季珪述初賦曰想黃公于邳圯勤魚石于彭城卽是縣也孟康曰舊名江陵爲南楚陳爲東楚彭城爲西楚文穎曰彭城故東楚也項

羽都焉謂之西楚漢祖定天下以爲楚郡封弟交爲楚王都之宣帝地節元年更爲彭城郡王莽更之曰和樂郡也徐州治城內有漢司徒袁安魏中郎將徐庶等數碑並列植于街右咸會爲楚相也大城之內有金城東北小城劉公更開廣之皆壘石高四丈列塹環之小城西又有一城是大司馬琅邪王所修因項羽故臺經始卽構宮觀門閣惟新厥制義熙十二年霖雨驟澍汴水暴長城遂崩壞冠軍將軍彭城劉公之子也登更築之悉以塼壘宏壯堅峻樓櫓赫奕南北所無宋平北將軍徐州刺史河東薛安都舉城歸魏魏遣博陵公尉苟仁城

水經注釋

二 東潛趙氏定本

陽公孔伯恭拔之邑閣如初觀不異昔自後毀撤一時

俱盡

一清按此處疑有脫文魏書堯暄傳初暄使徐州見州城樓觀嫌其華盛乃令往往毀撤由是更損

落及高祖寺彭城閣之曰暄猶可追斬

間遣工雕鏤尚存龍雲逞勢奇爲

精妙矣城之東北角起層樓于其上號曰彭祖樓地理志曰彭城縣古彭祖國也世本曰陸終之子其三曰篔是爲彭祖彭祖城是也下曰彭祖冢彭祖長年八百綿壽永世于此有冢蓋亦元極之化矣其樓之側衿汴帶泗東北爲二水之會也聳望川原極目清野斯爲佳處矣

水經注釋卷二十三終

